

et manet meritum et impulsua causa iustificationis et viuificationis, tamen quandocunque corda in veris pauoribus et doloribus per fidem in Christum eriguntur et consolationem accipiunt, simul certo in corde etiam praesens est Deus et accedit per Spiritum sanctum nouos motus et nouam obedientiam interiorem et exteriorem congruentem cum lege Dei.

5

## LXXIX.

Inde manifestum est nouam obedientiam esse ne-[F 2r:]cessariam. Nec vocabulum necessitatis proprie significat violentam coactionem, quae foris accedit etiam cum voluntas repugnet, sed significat ordinem a Deo sancitum, quo vult Deus immutabiliter, ut et volens obtemperet creatura rationalis et sciat 10 non esse faciendum contra illum ordinem.

## LXXX.

Norma inchoatae obedientiae sunt paecepta Dei, quorum summa in decalogo comprehensa est, quem iuxta declarationem a Christo et apostolis expressam intelligi oportet. Nec est noua obedientia tantum externa disciplina, sed 15 etiam in corde noua lux, timor Dei, fiducia acquiescens in Deo et motus ac virtutes nouae, ut in latrone conuerso non tantum externa sunt bona opera, confessio peccati sui et iusti iudicij Dei, inuocatio Christi et obiurgatio socij, sed etiam interna, cuiusmodi sunt agnitus irae Dei aduersus peccata, ingens 20 dolor animi deplorantis sua scelera et multiplicem contumaciam, fides accipiens remissionem peccatorum. Item vitam aeternam propter messiam fiducia misericordiae et praesentiae Dei in ijs aerumnis, quas sustinebat, dilectio Dei et propositum obediendi Deo, spes liberationis, patientia subijciens animum Deo in hac tristi poena et aliae multae virtutes.

## LXXXI.

25

Etsi magna sunt impedimenta bonorum operum in tanta depravatione naturae nostrae et in tantis diaboli insidijs, tamen euangelium monstrat, quomodo fieri possint bona opera et docet de praesentia Filij Dei in ecclesia et de auxilio Spiritus sancti, qui omnes virtutes necessarias iuxta decalogum in renatis inchoat, ut Galat. 5 fructus Spiritus recensentur, qui nihil aliud sunt quam 30 conformitas cum lege Dei.<sup>120</sup> Cum autem in [F 2v:] hac vita renati accipient tantum primitias Spiritus sancti, non est nouitas integra, sed perficietur in securita aeternitate, ubi Deus erit omnia in omnibus.

---

<sup>120</sup> Gal 5,22.